

REDE FETO TIMOR-LESTE

Vizaun Jerál kona-ba Organizaasaun no Aprosimasaun kona-ba Jéneru

Rede Feto Timor-Leste ne'e órgaun sumbrina ida ne'ebé halibur organizaasaun nasionál no lokál sira ne'ebé fó atensaun signifikante ba feto ka jéneru. ONG no organizaasaun komunitária sanulu resin hitu (17) mak oras-ne'e halo parte hanesan membru Rede Feto ninian, maske nune'e Rede Feto fó korajen ba sira atu hametin sira-nia estrutura tuir ONG sira-nia rekizitu legal. Nia membru inklui organizaasaun oin-oin, hahú husi ONG hirak ne'ebé iha perfil aas hanesan FOKUPERS no Fundasaun Alola to'o movimentu hirak ne'ebé iha signifíkansia política iha sira-nia istória, hanesan OPMT (Organização Popular da Mulher Timor ka Organizaasaun Popular Feto Timor) no OMT (Organização da Mulher Timor ka Organizaasaun Feto Timor), to'o organizaasaun relijioza sira hanesan Sagrada Família no ISMAIK (Instituto Maun-Alin iha Kristu), no seluk tan.

Rede Feto Timor-Leste nia Membru Organizaasaun sira agora ne'e:

1. APSC-TL (Asia Pacific Support Collective Timor-Leste)
2. AMST (asosiasaun Feto Socialista Timor)
3. Fundasaun Alola
4. Juristas
5. Caucus Feto iha Política
6. ET WAVE (East Timor Women Against Violence)
7. FOKUPERS (Forum Komunikasi Untuk Perempuan Timor Lorosa'e)
8. FMF (Fundasaun Moris Foun)
9. FKSH (Feto Klosan Servisu Hamutuk)
10. GFFTL (Grupú Feto Foinsa'e Timor Lorosa'e)
11. ISMAIK (Instituto Maun-Alin iha Kristu)
12. OMT (Organização da Mulher Timor)
13. OPMT (Organização Popular da Mulher Timor)
14. PAS (Prontu atu Serbi)
15. Santa Bhakita
16. Sagrada Família
17. UNFETIP (Uniaun Feto Timor ba Progresu)

Rede Feto, 'Perfil Rede Feto Timor Leste', *Newsletter Rede Feto Timor Leste—Assistencia Umanitária ba Ema Deslokadu: Rede Feto nia Programa Foun*, Edisaun I, Junu 2006, p. 4.

Rede Feto harii iha 2001 nu'udar rezultadu diretu husi deliberasaun ne'ebé hola iha Primeiru Kongresu Nasionál Feto Timor-Leste nian iha tinan 2000. Nesesidade boot ida ne'ebé partisipante sira hato'o mak atu hetan klibur forti entre feto sira hodi apresenta sira-nia perspetiva ba UNTAET. Rede Feto kontinua nafatin bainhira UNTAET ramata tiha nia mandatu, hodi hadia no define misaun ne'ebé nia iha atu promove no defende feto sira-nia interese, liu husi apoiu ne'ebé fó ba feto sira atu servisu hodi hetan igualdade no kontribui ba prosesu dezentvolvimentu nasionál no global no atu promove igualdade jéneru ninian no feto nia direitu.

Rede Feto nia membru sira agora ne'e mai husi membru organizaasaun sanulu resin hitu (17) ne'ebé uluk hola parte iha Primeiru Kongresu Nasionál Feto Timor-Leste nian. Organizaasaun sira ne'e mak halo parte mos iha Rede Feto nia estrutura sekretariadu no board. Sekretariadu ne'e funsionariu ne'ebe simu saláriu, nia funsaun mak atu implementa rede nia programa. Board iha membru na'in lima, sira nia knar mak atu halo desizaun kona-ba programa, monitorizaasaun ba implementasaun programa no ligasaun ho diretor. Board Rede Feto nian inklui ema ne'ebé kuenesidu iha comunidade laran hanesan Maria Dias, Olandina Caeiro no

Kirsty Sword Gusmão. Diresaun ne'e hetan revizaun iha assembleia jerál ne'ebé hala'o kada tinan tolu. Konselleiru internasionál nain ida husi ONG Progressio, ne'ebé iha eskritóriu iha Dili, mak fó konsellu no halo servisu atu hametin Rede Feto nia sekretariadu, board no membru sira-nia kapasidade. Rede Feto nia doador boot liu mak CCODP (the Canadian Catholic Organization for Development and Peace).

Programa

Rede Feto dezenvolve ona estratéjia boot rua: promove no defende igualdade jéneru ninian no feto nia direitu, no hametin membru organizaun sira-nia kapasidade. Bainhira dezenvolve ona Rede Feto sei hasesan husi envolvimen direta iha sekretariadu nia programa implementasaun, alende harii membru Rede Feto sira-nia kapasidade. Rede Feto mos buka atu fasilita nia membru sira atu sai ativu iha sira-nia programa no mós iha nia rede sira nia programa

Advokasia kona-ba Igualdade Jéneru ninian no Feto nia Direitu

Rede Feto envolve barak iha kampaña oin-oin no buka beibeik atu fó konsellu ba órgaun governu sira no ba misaun Nasoens Unidas nia iha Timor-Leste. Nu'udar ezemplu: durante período molok atu inaugura misaun Nasoens Unidas ida agora (UNMIT), Rede Feto hato'o surat ida ba Nasoens Unidas hodi husu atu konsidera jéneru bainhira misaun ne'e dezenvolve nia estrutura no programa. Durante krizi 2006, Primeiru-Ministru interinu husu ba Rede Feto atu hili kandidatu ida atu tuur iha pozisaun Konselleira ba Primeiru-Ministru kona-ba Igualdade Jéneru, ne'ebé mamuk hela. Hatutan tan ne'e, iha Abril 2007 Rede Feto halo série postal ida hodi fó laran-brani ba feto sira atu sai ativu, atu sai votante ne'ebé vota tuir nia hanoin rasik durante eleisaun prezidensial no parlamentár.

Rede Feto haree ba rekoñesimentu Loron Nasional Feto nian iha Timor-Leste, iha 3 Novembru, hanesan vitória boot liu ida ba advokasia ne'ebé nia halo. Loron ne'e hili atu hahii no fó ksolok ba feto sira-nia partisipasaun iha luta ba independénsia, tanba iha duni loron ne'e, iha 1974, mak feto ida naran Maria Tarpo mate bainhira luta hasoru invasor militar Indonezia iha Timor-Leste .

Hametin Membru sira-nia Kapasidade Organizasional

Rede Feto halo servisu iha forma oin-oin atu nune'e hasa'e nia membru organizaun sira-nia kapasidade. Iha 2005, Rede Feto hala'o avaliasaun institucional ida ba organizaun idaidak, no tau organizaun sira-ne'e iha kategoria tolu: sira ne'ebé ativu tebetebes no dezenvolve di'ak, sira ne'ebé sei dezenvolve hela, no sira ne'ebé jeralmente la'ativu. Rede Feto halo servisu liu-liu ho organizaun sira ne'ebe tama iha kategoria rua ikus, Rede Feto sei fó asisténsia ba sira atu harii sira-nia estrutura, estatutu no planu estratéjiku ne'ebé efektivu. Fó mós tulun ba sira atu identifika no atu oinsá asesu ba doador relevante sira, tanba baibain organizaun hirak ne'ebé ladún ativu hateten katak sira-nia problema boot liu mak laiha osan.

Rede Feto foin daudaun ne'e mós dezenvolve polítika no kritériu atu atrai (dada) membru foun.

Asisténsia Umanitária ba Ema Dezlokadu Internu (IDP sira)

Bainhira aumenta daudaun programa boot rua ne'ebé promove no defende igualdade jéneru ninian no hametin membru sira-nia kapasidade organizasional, iha 2006 Rede Feto desenvolve tan programa temporáriu ida naran 'Asisténsia Umanitária ba Ema Dezlokadu Internu', atu responde ba siatuasaun krizi. Sekretariadu Rede Feto nian mak fasilita programa ne'e, maibé Rede Feto nia membru organizasional sira mak implementa. Programa ne'e fó oportunidade ba membru sira ne'ebé ladún hetan desenvolvimentu atuhetan esperiénsia bainhira hala'o programa ne'e.

Programa 'Asisténsia Umanitária ba Ema Dezlokadu Internu' iha komponente lubun ida, idaidak iha ninia programa rasik tuir nesiedade atu oinsá responde ba krizi. Iha Juñu 2006, Rede Feto no nia parseiru UNHCR, implementa 'Programa Abrigu ba Dezlokadu sira' ('IDPs Shelter Program'). Programa ne'e envolve koordenasun kona-ba 'fahe sasan ne'ebé la'os aihan' ('*non-food distribution*') ka sasan sira hanesan tenda, lona, manta, lata bee nian no sasan dapur ninian ba kampu liu tolunulu resin neen (36). Tenda besik atus neen (600) iha kampu besik sanulu (10) mak harii. Rede Feto halo mós koordenasun kona-ba manejaментu ka jestaun iha kampu rua, no fó seguransa ba kampu ida.

Komponente boot segundu ba programa nian mak foka ba violénsia bazeia ba jéneru, hala'o husi Juñu to'o Agostu 2006. Projetu ne'e mosu husi kolaborasaun ne'ebé envolve Rede Feto, UNFPA, JSMP, PRADET no GAPI, no hetan fundus husi UNFPA. Ekipa projetu ne'e halo ona avaliasaun ida ba Violénsia ne'ebé Bazeia ba Jéneru (GBV) iha kampu dezlokadu sira no fatór sira ne'ebé halo mosu GBV, fó konsellu ba vítima sira no asegura katak vítima sira hetan referénsia hodi hasoru organizaun hirak ne'ebé oferese apoiu loloos, fó treinu ba jerente kampu koordenador kampu dezlokadu sira atu hatán ba GBV no fasilita edukasaun comunidade kona-ba GBV, no direitus umanus.

Asisténsia Komunitária nia komponente ida seluk, ne'ebé hetan mós suporta orsamentu husi UNFPA, mak atu fó apoiu ba feto isin-rua sira iha kampu dezlokadu. Rede Feto no nia parseiru sira identifika ona katak iha feto isin-rua barak iha kampu dezlokadu mak bele hetan komplikasaun oin-oin no laiha intervensaun direta (la hetan tulun husi ema seluk). Uluk nanain buka identifika feto isin-rua sira, liu-liu sira ne'ebé atu besik tuur-ahi. Hafoin ekipa ne'e harii kampu espesial ida naran Kampu Hein Tuur-Ahi (*Maternity Waiting Camp*), iha Hospital Nasional, atu asegura katak feto sira ne'ebé isin-rua fulan hitu no ualu simu atensaun médika lalais bainhira sira presiza. Fahe mós Pakote Ijiene (*Hygiene Packs*), ne'ebé mai husi UNFPA no UNHCR, ba feto isin-rua sira.

Aspetu importante ida seluk husi Rede Feto nia serbisu iha kampu dezlokadu mak sira mak komite feto nian, inisiativa ida ne'ebé desenvolve hamutuk ho ONG Care International, FOKUPERS no GAPI. Komite ne'e inklui representante husi feto sira iha kampu no halo ligasaun ho koordenador kampu dezlokadu, polisia, ONG no ajénsia sira ne'ebé iha prezensa iha kampu. Organizaun sira ne'ebé hahú inisiativa ida-ne'e senti katak bainhira GBV nia programa remata, feto sira sei la ko'alia tan kona-ba GBV no problema espesifiku sira seluk ne'ebé sira hasoru iha kampu. Komite ne'e hanesan programa kontínuu no sira desenvolve ona atividade ho susesu, ne'ebé feto sira sai ativu iha prosesu dezisaun lubun ida no iha forum deliberaun sira iha kampu laran no liur.

Kontaktu

Post: PO Box 339, Dili
Tlp: (670) 331 7405
Email: redefeto@yahoo.com
Alamat: Mouzinho de Albuquerque, Colmera, Dili

Husi: Trembath, Anna no Damian Grenfell, Mapa ba Lala'ok Buka Igualdade Jéneru: Atividade Ajénsia La Governamentál no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 66-69.